

Inatsisartut Akileraartarnermut Akitsuusiisarnermullu Ataatsimiititaliaat
Landstingets Skatte- og Afgiftsudvalg



Pappiaqqanik nalilinnik naqissusiinerni akitsuut pillugu Inatsisartut inatsisaata allannguutissaatut Inatsisartut inatsisissaannut siunnersuut. (UKA 2007/32)

Pappiaqqanik nalilinnik naqissusiinerni akitsuut pillugu Inatsisartut inatsisaata allannguutissaatut Inatsisartut inatsisissaannut siunnersuutip siullermeerutaasumik suliarineqarnerani Demokratit oqaaseqartartuata oqaatigaa, angallatinik inuussutissarsiuataasunik aammalu pisassanik pigisanik qularnaveeqqusiissuteqarnerit naqissusiinermut akitsuuserneqartannginnerannik periuseq atuuttuusoq atuutiinnartariaqartoq, naqissusiinermullu akitsuut pillugu inatsisip § 9-anut ilanngunneqarluni.

§ 9-mut siunnersuutip saqqummiunneqartup nassataraa ullumikkutuulli E-SU-mi atornermut atatillugu angallatini inuussutissarsiuataasuni qularnaveeqqusiissuteqarnerit naqissusiinermi akitsuummik akiliissutaassanngitsut.

Aningaaserivimmit, angallatini aningaasaliinermik ingerlatsivinni assigisaanniluunniit taarsigassarsineqarpat naqissusiinermut akitsuummik akiliisoqassanngilaq, Pappiaqqanik nalilinnik naqissusiinermi akitsuut pillugu Inatsisartut inatsisanni § 5, imm. 1 naapertorlugu. Aalajangersagaq taanna allanngortinneqarpoq Inatsisartut inatsisaat nr. 7, 23. oktober 1996-imeersumi (UKA 1006/17), angallatini inuussutissarsiuataasuni qularnaveeqqusiissutaasuni naqissusiinermi akitsuummik akiliisoqannginnissaa siunertaammat.

atorneqanngilaq. Naalakkersuisut aamma taamatut qularnaveeqqusiisarnernut naqissusiinermut akitsuummik akiliisannginnissamik eqqussinissamut tunngavissaqartitsinngillat.

Pisassiissutinik pigisanik qularnaveeqqusiissuteqarnermut tunngatillugu oqaatigineqassaaq, naqissusiinermut akitsuut pillugu inatsimmi § 9, imm. 1-imi qularnaveeqqusiinernit il.il. arlaqartut naqissusiinermi akitsuummik akiliuteqaataannginnissaannik siunertarineqarpoq, pineqartut ilaatigut inatsimmi § 5, imm. 1-imi malittarisassat malillugit naqissusiinermut akitsuummik akiliutaasussanut ilaappata. Pisassiissutinik pigisanik qularnaveeqqusiussineq naqissusiinermut akitsuut pillugu inatsimmi § 5, imm. 1-imi pineqartoq malillugu pigisatut aalaakkaasutut imaluunniit pialuutitut isigineqanngimmata, taamaattumik pisassiissutinik pigisanik qularnaveeqqusiussineq naqissusiinermi akitsuummik akiliutaasussaanani, naqissusiinermi akitsuut pillugu inatsimmi § 9, imm. 1-imi naqissusiinermi akitsuummik akiliinnginnissaq pillugu immikkoortumut ilanngutissallugu siunertaqanngilaq.

Atassutip oqaaseqartartuata paaserusuppa, Kalaallit Nunaat allatigut sunnuteqanngitsumik Nunat Avannarliit Killiit Avannaani ineriartortitsinermut

21. november 2007
J.nr. 25.01.01.12-
00001

Postboks 1037
3900 Nuuk
Oq/tel +299 34 50 00
Fax +299 32 46 14
oed@gh.gl
www.nanoq.gl

aningsaateqarfimmi peqataaginnarsinnaanersoq Naalackersuisut isumaqarnersut.

Nunat Avannarliit Killiit Avannaani ineriartortitsinermut aningsaateqarfia nunani avannarlerni Killerni Avannaani aningsaqaqarnikkut ineriartortitsinerup siuarsarnissaa siunertaralugu, Kitaani Avannaani, aammalu Kitaani Avannaani nunat nunallu avannarliit akornanni, suleqatigiinnerup annertusarnissaa siunertaralugu, immikkoortunut tunngasutigut politikikkut suleqatigiinnermut atatillugu pilersitaavoq. Aningsaateqarfiup siunertaa naatsumik oqaatigalugu tassaavoq, Kitaani Avannarlerni tamatigoortumik unammillersinnaassuseqartunillu inuussutissarsiuteqarnerup atukkiisarnertigut, tapiissuteqartarnertigut aammalu suliffeqarfinnut mikinerusunut akunnattumillu angissuseqartunut attuumassuteqartunik ingerlatat naammassiniarneqartarnerannut qularnaveeqqusiisarnertigut, siuarsarneqarnissaa. Tamatumunnga atatillugu aningsaateqarfik Kitaani Avannarlerni aammalu Kitaani Avannarlerni nunanilu avannarliit akornanni suliffissuaqarnikkut, aningsaasarsiornikkut teknikkikkullu suleqatigiinnermut tapersiisartussaavoq.

Naalackersuisut isumaqarput anguniagaasut taakkua taama iluatinnaqimata, Kalaallit Nunaata isumaqatigiissutini peqataajunnaarnissaanut tunngavissaqanngitsoq.

Ikinngutinnersumik inuulluaqqusillunga

Aleqa Hammond